

LA USC DI LADINS - VENERDI' 3 APRILE 2020

AVIS

Sburlé i ejames de ladin

L Comun general de Fascia fêsc a saer che a cajon de l'emergenza sanitàera la proes vegnarà fates più inant e l'é temp fin ai 24 de oril per portèr ite la domanes

La presidenta de la Comiscion per la proes de ejam per l zertament de la cognoscenza del lengaz e de la cultura ladina per l'an 2020 del CGF Sabrina Rasom fêsc a saer che, a cajon de l'emergenza Covid-19, l termin per portèr ite la domanes de enscinuazion a l'ejam l'é stat sburlà ai 24 de oril del 2020 da les 12.00. Chest en deroga a chel che

l'é stat pervedù co l'avis publich dai 11 de firé del 2020. Fora da chest termin no vegnarà più azetà nesciuna altra domana, ence cheles manèdes tras racomanèda. Aldò de chesta proroga, ence l termin de publicazion de dates e oraries di ejames, pervedù dant che sie fora i 17 de oril del 2020 no podarà vegnir respetà. Chesta dates e oraries sarà publiché per na

neva data che la vegnarà fata a saer semper su la medema piataformes, penamai che la condizions da respetèr a cajon de l'epidemia Covid-19 no sarà più en esser. Amò vegn recordà che la publicazion de la dates de ejam sul sito del Comun general de Fascia à valor desche convocazion di candidac a l'ejam.